



聖濟總錄

百五

庫文閣内	
番號	漢 12609
冊數	200 (153)
函號	300 212



大學東
校典藉
局之印

大德重校聖濟總錄卷第一百五十五
妊娠門

妊娠卒下血

妊娠胎萎燥

妊娠胎不長養

妊娠心痛

妊娠腹滿

妊娠腹痛

妊娠心腹痛

同治
司香

大熱重經逆氣暴下少腹或痛者由冷熱之氣內擊於
 胞絡或舉重勞煩暴傷衝任之經其血忽下隨其經養
 而補之所下不已腰腹痛者其胎多墮
 治妊娠卒下血胎動腹痛保血安胎膠艾湯方
 阿膠炙令燥 芎藭 甘草炙各二兩
 艾葉炒 當歸切焙各參兩 芍藥
 生乾地黄焙各肆兩
 右七味搗羅為麤散每服五錢匕水一盞半煎至一
 盞去滓稍熱服



妊娠卒下血

論曰妊娠經血暴下少腹或痛者由冷熱之氣內擊於胞絡或舉重勞煩暴傷衝任之經其血忽下隨其經養而補之所下不已腰腹痛者其胎多墮

治妊娠卒下血胎動腹痛保血安胎膠艾湯方

阿膠炙令燥 芎藭 甘草炙各二兩

艾葉炒 當歸切焙各參兩 芍藥

生乾地黄焙各肆兩

右七味搗羅為麤散每服五錢匕水一盞半煎至一盞去滓稍熱服

治妊娠卒下血不止胎上逼心手足逆冷欲死艾葉湯方

生艾葉構絞取汁壹盞阿膠炙令燥半兩蜜壹合

右三味取艾葉汁一盞入阿膠及蜜一合煎取一盞去滓分爲二服溫溫服之

治妊娠卒下血令胎不安臍腹撮痛蒲黃散方

蒲黃微炒當歸焙令香龍骨

阿膠炙令燥生乾地黄焙各半兩牛角炙令焦

芎藭半兩

右七味搗羅爲散研勻細每服二錢匕用煎艾煮米

飲調下食前服之

治妊娠卒然下血不定令胎不安小腹疼痛杜仲湯方

杜仲去麤皮剉人參壹兩阿膠炙令燥壹兩

芎藭壹兩當歸微炙貳兩艾葉壹把

右六味麤搗篩每服三錢匕酒一盞入棗三枚擘同煎至七分去滓溫服相次三服腹中當暖卽血止

治妊娠八九箇月或胎動不安因用力勞之心腹痛卒然下血面目青冷汗出氣息欲絕釣藤湯方

釣藤去木人參

當歸微炙各壹兩桔梗貳兩桑上寄生壹兩

右六味麤搗篩每服三錢匕水一盞煎至七分去滓
溫服

治妊娠驚胎勞傷心腹急痛卒下血胎動不安桔梗湯方

桔梗 壹兩

茯神 去木 壹兩

人參 半兩

當歸 炙 兩

釣藤皮 壹分

桂 去麤皮 半兩

獨活 去蘆頭 半兩

芍藥 剉 兩

生乾地黄 焙 壹兩

桑上寄生 微炒 兩

石膏 壹兩

甘草 炙 兩

右一十二味麤搗篩每服三錢匕水一盞煎至七分
去滓空心溫服日三

治妊娠八九月或臨月因用力勞乏便即胎動忽然下

血心腹急痛面目青黑冷汗出氣息欲絕茯神湯方

茯神 去木 壹兩

熟乾地黄 焙 壹兩

甘草 炙 半兩

釣藤 兩

桔梗 炒

人參

當歸 切 焙

芍藥 剉 炒 各 壹兩 半

右八味搗為麤散每服三錢匕以水一盞煎至七分

去滓溫服

治妊娠卒下血不止腹痛手足寒熱腰背痠疼半夏湯

方

半夏 湯洗 柒 兩

麥門冬 去心 焙 貳兩

甘草 剉 炙

當歸微炙

黃耆剉各壹兩半

阿膠炙令燥貳兩

人參壹兩

黃芩去黑心壹兩

旋復花壹兩

右九味麤搗篩每服三錢匕水一盞入葱白二寸生薑半分切同煎至七分去滓空心溫服

治妊娠胎動不安忽然下血寒熱往來腹痛如欲產手足煩悶麥門冬湯方

麥門冬去心焙貳兩

甘草炙剉

人參

生乾地黄焙

黃芩去黑心

阿膠炙令燥各壹兩

右六味搗為麤散每服三錢匕水酒各半盞入生薑半分切棗三枚擘同煎至七分去滓食前溫服

治妊娠卒下血致胎不安少腹疼痛人參湯方

人參

當歸切微炒

阿膠炙令燥各貳兩

甘草炙令赤

芎藭

黃芩去黑心

艾葉各壹兩

吳茱萸湯洗焙

生乾地黄微炒各貳兩

右九味麤搗篩每服三錢匕水一盞入生薑一棗大切同煎至七分去滓空心溫服日三

治妊娠卒下血胎動不安或連腰痠痛甘草湯方

甘草炙令赤

阿膠炙令燥各壹兩

生乾地黄焙半兩

右三味麤搗篩每服三錢匕水一盞煎至七分去滓

溫服

治妊娠卒下血胎不安少腹痛連腰人參湯方

人參

阿膠炙令燥

芎藭各壹兩

當歸微炙切

杜仲去麤皮剉炒各貳兩

右五味麤搗篩每服三錢匕以水酒共一盞煎至七分去滓食前溫服

分去滓食前溫服

治妊娠已數月卒然下血不定芎藭湯方

芎藭

當歸焙各貳兩

艾葉焙壹兩

甘草炙半兩

阿膠炙令燥壹兩

右五味麤搗篩每服三錢匕以水一盞煎至七分去滓溫服

治

治妊娠卒下血不止方

艾葉如雞子大以酒三升煮取二升去滓分為兩服

不拘時溫服

治妊娠無故卒下血不絕方

阿膠貳兩

右一味以酒一升半煮膠令消分三服連併服之

治妊娠卒下血不止四肢厥冷悶絕欲死方

青竹茹搗大貳枚

艾葉

阿膠炙令燥各貳兩

白蜜貳合

右四味以水六升煮三味取二升去滓內蜜又煎一

沸分二服立差

治妊娠卒下血不止腰腹疼痛地黃艾葉湯方

熟乾地黃焙

艾葉炒各

人參

地榆

乾薑炮

阿膠炒

當歸切焙各

壹兩

右七味麤搗篩每服五錢匕水一盞半煎至八分去

滓滓溫服不拘時

治妊娠卒下血腰腹疼痛當歸散方

當歸切

壹兩

桑寄生

續斷各半

赤芍藥

壹兩

右四味搗羅為散每服三錢匕空心食前溫酒調下

有冷加乾薑一兩腹痛加芍藥一兩

妊娠胎萎燥

論曰人由受氣至於有生十二經脉迭相滋養猶之物也得寒溫之正土地之宜無物不長凡胎處胞中或有萎燥者蓋由妊婦所稟怯弱不足自周陰陽血氣偏係非冷即熱胞胎失於滋利所以萎燥而不長也日月雖過不能生育亦有後時致失者惟宜資母血氣俾陰陽調通本末相應則胎從而有養矣

治妊娠胎萎燥羸瘦不長熟乾地黃湯方

熟乾地黄焙 白朮炙 甘草炙

白茯苓去黑皮 阿膠炙 木香各壹兩

細辛去苗葉 人參 防風去叉

白芷各半兩

右一十味麤搗篩每服三錢匕以水一盞煎至七分

去滓溫服日三

治妊娠胞中虛冷致胎萎燥不長艾葉湯方

艾葉炒 芎藭 當歸炙

乾薑炮 白朮各壹兩

右五味麤搗篩每服三錢匕以水一盞煎至七分去

滓溫服日三

治妊娠胞中虛胎不榮長致令萎燥當歸湯方

當歸切 甘草炙 乾薑炮

芎藭各壹兩 白朮貳兩

右五味麤搗篩每服三錢匕以水一盞入大棗三枚

擘破同煎至七分去滓空心溫服

治妊娠胎萎燥漸覺羸劣面色黃黑腹藏虛冷白朮湯

方

白朮切 厚朴去麤皮生 芎藭

芍藥 當歸切 人參

甘草炙

訶梨勒炮去核各半兩

右八味麤搗篩每服三錢匕以水一盞入生薑一分煎至七分去滓溫服日三

治妊娠胎萎燥當歸飲方

當歸切焙壹兩

芎藭

阿膠炙炮各參分

白朮貳兩

右四味搗為麤末每服三錢匕以水一盞煎至七分

去滓溫服日三

治妊娠胎萎燥胎漏腹痛不可忍白朮當歸湯方

白朮

當歸切焙

芎藭

人參

阿膠炙燥各貳兩

艾葉焙乾壹兩

右六味麤搗篩每用五錢匕以水一盞酒半盞入棗三枚拍碎同煎至一盞去滓分溫二服空心一服午

食前一服

治妊娠虛冷胎萎燥不長橘皮湯方

陳橘皮湯浸去白焙

厚朴去麤皮生薑汁炙各參分

當歸切焙

人參

阿膠炙燥各壹兩

白朮貳兩

右六味麤搗篩每服三錢匕以水一盞入生薑一分切棗三枚擘破同煎至七分去滓溫服日三

治妊娠胎萎燥不能轉動心中急痛桑寄生湯方

桑寄生

白茯苓去黑皮

人參

萎蕤各壹兩

白朮貳兩

右五味麤搗篩每服三錢匕以水一盞入粳米半合生薑一分切同煎至七分去滓溫服日三

治妊娠胎萎燥養胎榮血芎藭湯方

芎藭

艾葉去梗炒

當歸切焙

白朮各壹兩

甘草炙剉半兩

右五味麤搗篩每服三錢匕以水一盞煎至七分去滓溫服日三

治妊娠胎萎燥過時未產滋氣血益胞藏熟乾地黃湯方

方

熟乾地黃炒

當歸切焙

熟艾炒

芎藭各壹兩

阿膠炙燥

甘草炙剉各半兩

右六味麤搗篩每服三錢匕以水一盞煎至七分去

滓溫服日三

治妊娠胎萎燥全不轉動阿膠湯方

阿膠炙燥壹兩半

當歸切焙壹兩

甘草炙剉參分

白朮貳兩

右四味麤搗篩每服三錢匕以水一盞煎至七分去

滓溫服日三

妊娠胎不長養

論曰妊娠將理無方脾胃不足飲食減退不能行榮衛化精微養衝任故令胎藏內弱子氣不足生化稍虧巢元方謂母病藥母則胎安是也若使脾胃和而能飲食水穀化而運氣血則何慮胎氣不長也
治妊娠胎不長養白朮散方

白朮貳兩

芎藭

芍藥

人參

阿膠

炙令燥各壹兩

甘草

炙剉半兩

右六味搗羅為散每服三錢匕以葱粥飲調下日三

治妊娠養胎芎藭散方

芎藭

白朮

各壹兩

蜀椒

去目及閉口炒出汗參兩

牡蠣

煨研為粉半兩

右四味搗研為散每服二錢匕食前溫酒調下米飲

亦得

治妊娠氣血不足胎瘦不長乾地黄湯方

熟乾地黄

焙

阿膠

米炒

芎藭

當歸

切米炒各貳兩

赤芍藥

甘草

炙

人參

各半兩

右七味麤搗篩每服三錢匕水一盞入粳米少許同

煎七分去滓溫服日三
治婦人血衰不足經候慳澁致子宮不榮妊娠多病胎
不長成地黃丸方

熟乾地黃不拘多少

右一味切焙搗為末鍊蜜為丸如彈大每服一九空
心煎當歸酒嚼下溫酒亦得

治妊娠氣血虛弱令胎不長和氣養胎地黃芎藭丸方

熟乾地黃焙壹兩

芎藭參分

白茯苓去黑皮半兩

人參

當歸切焙各參分

芫胡去苗

刺薊

桑寄生焙乾各半兩

厚朴去麤皮塗生薑汁炙壹兩

龍骨

阿膠炒

白石脂各參分

黃耆剉半兩

甘草炙剉壹分

右一十四味搗羅為末鍊蜜和丸如梧桐子大每服
三十九不計時候粥飲下日三
治妊娠胎不長安胎和氣思食黃耆湯方

黃耆剉

白朮

人參

麥門冬去心焙

陳橘皮湯去白焙各參分

芎藭半兩

白茯苓去黑皮壹分 前胡去蘆頭參分

甘草炙剉半兩

右九味麤搗篩每服三錢匕以水一盞入生薑二片

棗三枚煎至六分去滓食前溫服

治妊娠胎不長養胎人參丸方

人參

白茯苓去黑皮

當歸切焙

芎藭去苗

厚朴

去麤皮塗生薑汁炙各壹兩

枳殼

去瓢麩炒參分

桑寄生

焙

刺薊

阿膠

炙燥各壹兩

甘草

炙剉半兩

右一十味搗羅爲末鍊蜜和丸如梧桐子大每服三

十九食前溫水下

妊娠心痛

論曰妊娠心痛者蓋因痰飲冷癖或風寒邪氣上乘於

心之別絡致攻擊疼痛休作有時若傷心之正經而痛者旦發則夕死夕發則旦死所以然者心爲五官之主不受外邪故也

治妊娠心痛痰逆不思飲食沉香湯方

沉香

剉壹兩

白豆蔻

去皮

草豆蔻

去皮各半兩

白朮

剉炒

人參

白茯苓

去黑皮各半兩

厚朴

去麤皮生薑汁炙壹兩

半夏

半兩薄切生薑汁拌炒熟

陳橘皮

湯浸去白焙參分

木香

半兩

乾薑

炮壹分

甘草

炙半兩

右一十三味麤搗篩每服三錢匕水一盞生薑三片

棗一枚擘同煎至七分去滓稍熱食前服

治妊娠心痛煩悶地黃湯方

生乾地黄焙 淡竹筴剉各壹兩 桂去麤皮半兩

右三味麤搗篩每服三錢匕水一盞半煎取一盞去

滓溫服不拘時

治妊娠心痛溫中調氣金粟湯方

粟米 半夏生薑汁浸伍宿切焙各貳兩

甘草炙壹兩 人參半兩 白朮

桂去麤皮各壹兩 欖榔剉碎

右七味麤搗篩每服二錢匕水一盞生薑三片煎六

分去滓溫服

治妊娠心痛竹筴湯方

青竹筴剉碎參兩

右一味麤搗篩每服三錢匕水一大盞煎七分去滓

溫服不拘時

治妊娠心痛不思飲食橘皮湯方

陳橘皮湯浸去白焙肆兩 甘草剉炒貳兩

厚朴去麤皮生炙剉 白朮各肆兩 草豆蔻去皮貳兩

右五味將葱一握細切拌藥罨一宿炒令黃色搗為

麤末每服二錢匕水一盞煎至七分去滓溫服

治妊娠心痛脇滿不思飲食枳實湯方

枳實去炒

人參

赤茯苓去皮

芫胡去苗

木香炮

桂去麤皮

草豆蔻去皮各半兩

白朮參

檳榔生剉壹兩

右九味麤搗篩每服二錢匕水一盞煎取七分去滓

溫服不拘時

治妊娠心痛嘔逆不思飲食芎藭湯方

芎藭

甘草炒

芍藥

草豆蔻去皮

檳榔剉各貳兩

右五味麤搗篩每服二錢匕水一盞棗一枚擘生薑

三片煎至七分去滓溫服不拘時

治妊娠心痛脹滿胎不安大腹湯方

大腹皮剉

芎藭

赤茯苓去黑皮

陳橘皮湯浸去白焙

人參各參分

當歸切焙

苧麻根剉

紫蘇莖葉各壹兩

右八味麤搗篩每服五錢匕水一盞半煎取一盞去

滓溫服不拘時

治妊娠心痛不可禁忍沉香湯方

沉香剉

厚朴去麤皮生薑汁炙壹兩

附子炮裂去皮臍尖

陳橘皮湯浸去白焙 甘草炙各半兩

白朮 芎藭各貳兩

右七味剉如麻豆每服二錢匕水一盞生薑三片棗一枚擘同煎至六分去滓溫服

治妊娠心痛胸腕不利嘔吐冷痰七寶湯方

半夏半兩生薑汁浸透切炒 大腹皮剉

甘草炙 草豆蔻去皮 訶梨勒炮去核

白朮各壹兩 郁李人去皮分 木香半兩

乾蠨去土炒 人參 白茯苓去黑皮

芎藭各壹兩

右一十二味麤搗篩每服二錢匕水一盞生薑三片

棗一枚擘同煎至七分去滓溫服

治妊娠心脾痛嘔逆不下食厚朴湯方

厚朴去蘘皮剉生薑汁浸壹宿炒熟 白朮各肆兩

白芷貳兩 乾薑炮壹兩 甘草炙

益智炒去皮 陳橘皮切炒白 縮砂炒去皮各貳兩

右八味麤搗篩每服二錢匕水一盞煎七分去滓溫服不拘時候

治妊娠心痛時多痰逆飲食無味腹脇脹滿肉豆蔻湯方

肉豆蔻人煨 附子湯浸暴乾炒

縮砂炒去皮 木香壹分 白朮

芎藭各壹兩

右六味剉如麻豆每服二錢匕水一盞生薑三片煎七分去滓溫服不拘時

治妊娠心痛胸膈不利不思飲食如聖散方

人參 白朮各壹兩 乾薑炮

丁香炒各半兩 縮沙人炒 檀香剉

桔梗炒各壹兩 胡椒炒壹分 甘草炙兩

右九味搗羅為散每服二錢匕鹽湯點服

治妊娠心痛腹脇脹滿不思飲食嘔逆不止人參飲方

人參 桑寄生 阿膠炒燥

陳橘皮去白 白茯苓去黑皮 白朮

甘草炙 厚朴去麤皮生薑汁

右八味麤搗篩每服四錢匕水一盞半煎至七分去滓溫服不拘時候

妊娠腹滿

論曰妊娠脾氣不和痰飲留滯則中焦生寒寒則胃受水穀不能消化令人胃脹胃脹者腹滿也

治妊娠腹滿飲食遲化寬中勻氣建脾和胃白豆蔻丸

方

白豆蔻去皮 枳殼用漿水煮令軟

陳橘皮去白細剉炒令黃色 訶梨勒去核

木香兩生 當歸切焙

右六味搗羅為末將棗用漿水煮去皮核爛研和藥

丸如梧桐子大每服二十九至三十九切生薑入鹽

炒焦黑色煎湯下不計時候

治妊娠腹滿兩肋妨悶不思飲食人參湯方

人參 厚朴去麤皮生薑汁炙 訶梨勒皮煨取

阿膠搗碎炒 赤茯苓去黑皮 陳橘皮湯浸去

白木各參 甘草炙壹

右八味麤搗篩每服三錢匕以水一盞入生薑半分切棗二枚擘同煎取七分去滓不計時候溫服治妊娠腹滿脹急可進飲食利心胸止乾嘔丁香散方

丁香壹分 白木 蒼朮各壹兩

前胡去蘆頭 胡椒 高良薑

乾薑炮 葛根 厚朴去麤皮生薑汁炙各半兩

藿香 訶梨勒去核 旋復花各壹分

甘草炙貳兩

右一十三味搗羅為散每服二錢匕沸湯點服不計時候

治妊娠腹滿氣衝胸膈煩悶訶梨勒飲方

訶梨勒煨去核

赤茯苓去黑皮

前胡去蘆頭

大腹皮剉

陳橘皮

桑根白皮剉各分

白朮

芎藭

枳殼麩炒去瓢各半兩

右九味麤搗篩每服三錢匕以水一盞入生薑半分切棗二枚擘同煎取七分去滓溫服不計時候

治妊娠腹滿喘逆脹悶阿魏丸方

阿魏麩裏煨熟細研

丁香

木香

懷香子微炒

白芷

陳橘皮湯洗去白焙

檳榔剉

香附子炒各分

甘草剉

生薑去皮薄切暴乾各半兩

右一十味搗羅為末鍊蜜和納三五百杵丸如櫻桃

大每服一丸爛嚼煎蘿蔔湯下溫酒或鹽湯生薑湯

下亦得此藥大能下氣藥心腹虛脹

治妊娠腹脹不欲飲食厚朴煮散方

厚朴去麤皮生薑汁炙壹兩半

白朮

芎藭

乾薑炮

當歸切

訶梨勒煨去核

陳橘皮湯浸去白焙各壹兩

人參

芍藥各半兩

甘草炙壹分

右一十味麤搗篩每服三錢匕以水一盞入大棗二

枚擘煎取七分去滓不計時候稍熱服

治妊娠腹滿可思飲食勻氣利膈沉香散方

沉香剉

陳橘皮湯浸去白焙人參各半

木香

茯苓去黑皮甘草炙各壹兩

白朮貳兩

右七味為細散每服二錢匕入鹽少許以沸湯點食

前服

治妊娠腹滿溫胃氣化冷痰利胸膈思飲食藿香丸方

藿香葉

木香各壹兩肉豆蔻去殼

丁香各半兩

半夏貳兩生薑汁浸參宿透切焙乾

右五味搗羅為末生薑汁煮麩糊和丸如梧桐子大

每服二十九食前生薑湯下

治妊娠腹滿少食多脹白朮湯方

白朮參兩

陳橘皮湯浸去白焙壹兩

木香兩半

甘草炙壹兩半厚朴去麩皮生薑汁炙貳兩

丁香兩半

乾薑炮貳兩半夏壹兩生薑汁浸壹宿切焙乾

右八味麩搗羅篩每服三錢匕水二盞入生薑五片

同煎至一盞去滓不計時候溫服

治妊娠腹滿可思飲食嘔逆不止木香丸方

木香

莎草根炒去毛

蓬莪茂炮

青橘皮湯浸去白焙 甘松各壹兩

甘草炙中

右六味搗羅為末水浸炊餅和丸如彈丸大每服一丸濕紙煨生薑一塊如皂子大與藥同嚼溫湯下食前服

妊娠腹痛

論曰妊娠藏府虛弱冒寒濕之氣邪氣與正氣相擊故令腹痛病不已則傷胞絡令胎不安治法宜祛散寒濕安和胎氣則痛自愈

治妊娠腹痛和氣思食治中滿薑茂湯方

薑黃

蓬莪茂煨

藿香葉各壹兩

甘草炙中

右四味麤搗篩每服二錢匕水一盞煎至六分去滓

溫服不拘時

治妊娠腹內疝痛如刀所刺人參湯方

人參肆兩

大腹參

檳榔參

枳殼去瓤炒

芍藥各肆兩

芫胡去苗

附子炮裂去皮

右七味剉如麻豆每服三錢匕水一盞半生薑三片煎至八分去滓空心食前溫服

治妊娠腹痛脹悶芎藭散方

芎藭

當歸切焙

陳橘皮湯浸去白焙各壹兩

乾薑炮半兩

右四味搗羅為散每服二錢匕用糯米飲調下不拘

時

治妊娠內挾寒冷腹中疝痛安和胎氣黑神散方

杉木節

半斤燒留性

乾薑壹兩燒留性

右二味搗羅為散溫酒調下一大錢匕不拘時

治妊娠腹痛不可忍安胎止痛芎藭散方

芎藭

當歸切焙各壹兩

右二味搗羅為散溫酒調下二錢匕不拘時

治妊娠腹痛一切氣疾枳殼丸方

枳殼

貳兩漿水浸壹日去瓤煮令爛研作糊

木香炒壹兩

右二味將木香搗羅為末入枳殼糊內和丸如梧桐子大每服二十九溫酒下不拘時

治妊娠腹痛疝刺安胎白朮湯方

白朮

剉麩炒肆兩

桂去麩皮貳兩

陳橘皮湯浸去白焙貳兩半

厚朴

去麩皮生薑汁炙貳兩

甘草炙剉

芍藥

芎藭各壹兩

右七味麩搗篩每服二錢匕水一盞生薑三片棗一

枚擘破煎至六分去滓食前熱服

治妊娠腹痛不思飲食真白湯方

木香

沉香

丁香各壹分

芎藭

蓬莪茂煨

當歸焙切

芍藥剉

棟實炒去核

懷香子炒各半兩

甘草炙壹兩

益智皮去

陳橘皮湯浸去白焙各半兩

右一十二味麤搗篩每服二錢匕水一盞棗一枚擘

破煎至六分去滓食前溫服

治妊娠兩脇脹悶腹中疼痛嘔逆不思食妙薑丸方

乾薑炮

桂皮去麤

木香

沉香

當歸焙切

甘草炙

白豆蔻皮去

白茯苓皮去黑

青橘皮湯浸去白焙各半兩

芍藥剉壹兩

乾木瓜

薑黃各半兩

右一十二味搗羅為末湯浸蒸餅為丸如小彈子大每服一丸細嚼溫酒下食前服

治妊娠腹中冷痛丁香散方

丁香參分

當歸焙切

蓬莪茂煨

益智皮去

甘草炙

芎藭

木香各壹分

青橘皮湯浸去白焙半兩

右八味搗羅為細末每服二錢匕沸湯調下食前服

治妊娠內積冷氣腹中切痛沉香散方

沉香剉半兩 蜀椒炒去閉口及目出汗壹分

甘草炙 烏藥剉 當歸切

芎藭各壹兩

右六味搗羅為末每服二錢匕溫酒調下熱湯亦得

不拘時

治妊娠羸瘦腰冷腹痛不欲食安胎澤蘭丸方

澤蘭 當歸切 桂去麤皮各貳兩

乾薑炮壹兩半 芎藭 阿膠炙令沸燥

蕪荑 藁本去苗 石膏研

白芷 柏子人炒 人參

白朮 細辛去苗 甘草炙剉各壹兩

右一十五味搗羅為末鍊蜜和丸如梧桐子大每服

十五丸溫酒下日再服

妊娠心腹痛

論曰妊娠心腹痛者由妊娠失於將護外受風冷內挾宿寒邪客於心脾之經心之經手少陰是也脾之經從胃別上膈注心中是也二經為風冷宿寒所攻邪正交擊故令心腹俱痛久不差則妨害飲食耗弱氣血傷動胞絡

治妊娠心腹疼痛思進飲食桔梗丸方

桔梗壹兩 訶梨勒煨去核 木香各半兩

白朮去麤皮生薑汁炙各貳兩 厚朴去麤皮生薑汁炙各貳兩

細辛去苗葉半兩

右六味搗羅為末鍊蜜丸如梧桐子大每服三十九

溫米飲下食前服

治妊娠心腹痛胎動不安阿膠湯方

阿膠炙 芎藭 桑寄生

陳橘皮湯浸去白焙各壹兩 艾葉炒

枳實去瓢麤炒各半兩 當歸切焙參分 高良薑

甘草炙各壹分

右九味麤搗篩每服三錢匕以水一盞入棗二枚煎至七分去滓不拘時稍熱服

治妊娠胃冷心腹刺痛氣逆嘔噦吳茱萸湯方

吳茱萸湯浸焙乾炒半兩 人參

厚朴去麤皮生薑汁炙 茯苓去黑皮 桔梗炒

當歸切焙 芍藥各壹兩

右八味麤搗篩每服三錢匕水一盞煎至七分去滓

溫服日三

治妊娠心腹引痛當歸湯方

當歸焙切

桂皮去麤

乾薑炮

木香各半

草豆蔻皮去

陳橘皮湯浸去白

白朮

熟乾地黄焙各壹兩 芎藭參分

右九味麤擣篩每服三錢匕以水一盞入棗二枚去

核煎取七分去滓稍熱服不拘時候

治妊娠心腹俱痛引脇肋妨悶不思食人參湯方

人參

厚朴去麤皮生薑汁炙 訶梨勒去核

阿膠炙令燥

赤茯苓去黑皮各壹兩 白朮

陳橘皮湯浸去白

甘草炙壹分

右八味麤擣篩每服三錢匕水一盞入生薑五片棗

二枚擘破煎取七分去滓溫服不拘時候

治妊娠心腹痛脇肋脹滿煩躁參朮湯方

人參

白朮

枳殼去瓢炒

赤茯苓去黑皮各貳兩

檳榔煨剉參分

肉豆蔻去殼肆枚

芫胡去苗壹兩

右七味麤擣篩每服三錢匕水一盞生薑三片棗一

枚擘破煎至七分去滓食前溫服

治妊娠心腹氣攻疼痛當歸湯方

當歸焙切

麥門冬去心焙

芎藭

赤茯苓去黑皮

甘草炙各壹兩

大薊去根

此胡參去苗各分

右七味搗篩為麤末每服三錢匕水一盞入生薑五片棗三枚煎至八分去滓不計時候稍熱服

治妊娠冷氣攻心腹疼痛或不納飲食厚朴散方

厚朴貳兩去麤皮塗生薑汁炙令香熟

陳橘皮壹兩湯浸去白瓤焙

草豆蔻壹兩去皮

人參參分去蘆頭

芎藭參分

白朮參分

阿膠參分搗碎炒令黃燥

乾薑半兩炮裂炒

吳茱萸壹分用湯浸洗

柴胡徧曝乾微炒

訶梨勒壹兩煨用皮

甘草壹分炙微赤剉

右一十二味搗篩為麤散每服三錢匕以水一中盞

半入生薑三片大棗三枚擘去核同煎至一盞去滓不計時候稍熱服之日三服

治婦人妊娠心腹疼痛及兩脇肋內妨悶嘔逆惡心不止飲食不下體倦四肢少力或時發氣脹喘息麤大胎不安穩宜服大腹皮飲方

大腹皮剉參分

人參

赤茯苓去黑皮各壹兩

當歸切焙

枳殼去瓤麤炒

茈胡去苗

白朮各壹兩半

右七味麤搗篩每服三錢匕水一盞生薑三片棗一枚擘煎至七分去滓溫服日三

治妊娠心腹痛面青汗出悶喘無力地黃飲方

生乾地黃焙

人參

當歸焙切

桑寄生

芍藥

赤茯苓去黑皮

桔梗

剉炒各壹兩

桂去麤皮

釣藤剉

甘草

炙剉各半兩

右一十味麤搗篩每服三錢匕水一盞生薑三片棗

一枚擘煎至七分去滓溫服日三

治妊娠心腹疼痛木香散方

木香

枳殼去瓤麤炒

白芷

蓬莪茂煨剉

白朮炒

益智去皮炒

甘草炙各貳兩

桂去麤皮半兩

青橘皮湯浸去白焙

人參

京三稜煨剉各壹兩

右一十一味搗羅為散每服二錢匕不拘時候沸湯

調服

治妊娠心腹冷痛霍亂吐瀉木香和脾飲方

木香

丁香

白朮

甘草炙

芎藭

人參

草豆蔻去皮

沉香

大腹皮剉

訶梨勒

煨去核各半兩

右一十味麤搗篩每服二錢匕水一盞入生薑五片

同煎至七分去滓溫服空心食前

治妊娠心腹痛芍藥散方

芍藥兩貳

白木壹兩半

黃芩去黑心壹兩

陳橘皮湯去白壹兩 木香參分

丁香兩半

右六味搗羅為細散每服一錢匕空心炒生薑湯調下

治妊娠心腹痛祛散寒濕安和胎氣保生湯方

紫苑去苗土

此胡去苗

龍骨

赤石脂各壹兩半

艾葉炒

白木各參分

黃連去須

厚朴去麤皮生薑汁炙

阿膠炙令燥

枳殼去瓤炒 地榆壹兩壹分

肉豆蔻去殼壹枚

益智去皮

乾薑炮

旋復花炒

黃芩去黑心各半兩

右一十六味麤搗篩每服五錢匕水一盞半煎至八

分去滓溫服

治妊娠心腹疔痛當歸湯方

當歸炮切

甘草炙剉各壹兩

乾薑炮半兩

右三味麤搗篩每服三錢匕水一盞入棗二枚擘煎

至七分去滓溫服

治妊娠心腹氣脹疔刺疼痛胎不安鷄蘇飲方

鷄蘇

人參

赤茯苓去黑皮

大腹皮 芎藭各半兩 苧麻根壹兩

右六味剉如麻豆大每服三錢匕水一盞入生薑三片煎至七分去滓溫服

治妊娠心腹痛不能食白朮湯方

白朮 黃芩去黑心各壹兩 芍藥貳兩

右三味麤搗篩以水八盞煎至五盞去滓分溫五服



大德重校聖濟總錄卷第一百五十五

